

21. Aug 2015

Inatsisartut suleriaasianni § 33 naapertorlugu, aalajangiiffigisassatut siunnersuut manna matumuuna saqqummiuppara:

**Sumiiffinni aalajangiiffissatut siunnersuutip tunngavilersuutaani ilanngussamilu nalunaarsorsimasuni qalorsuarsorluni aalisarnerup inerteqqutaalernissaa pillugu periarfissamik – taassumalu aningaasatigut kingunissai pillugit misissuineramik - Naalakkersuisut Inatsisartunut agguaasseqqullugit Inatsisartut aalajangiiffigisassaattut siunnersuut.**

(Inatsisartuni ilaasorta Nikolaj Jeremiassen, Siumut)

**Tunngavilersuut:**

Nunatsinni inuussutissarsiutit pingaarnersaat aalisarnerq pineqartillugu eqqaamannissinnaalerninniit malinnaalerpunga, soorunami taamatut inuussutissarsiortuni peroriartorama pisinnaaleramalu ingerlaannaq taakkununga akulerullunga, inuttatut kissalu nammineerlunga ingerlataqalerama aamma tamakkununga peqataallunga.

Tikinniagaralu unaavoq; ukioq 1970-sikkut qiteqqunnerat aallartiffingalugu sinerissap qanittuani raajarniarneq peqataaffigilerpara, ukiuni siuliini taasama nalaani Diskop kangerliumanersua raajarniutit 36 fodsinit qummut katersuuffigisarpaput sumiluunniit raajarniarluta kalissinnaalluta.

Tamassumalu kingunerivaa kangerluit pineqartut aamma kilisaffiusalernerat, tupinnanngitsumillu peqassutsimut innarliisumik, arriitsuararsuarmilli pinikkiartuaalerpoq ukiut 40-rut aatsaat qaangiunneranni, taamatullu pisoqaqqilissappat kangerluit pineqartut piumasunut ammaannarput.

Assortorneqarsinnaagunangilaq taamanikkut ullumikkumut sanilliullugu raajarniarneq isaatitsiviu-neroqimmat, taamatullu nunami suliffissaqartsitsilluarluni. Raajaqassuseq illersorniarlugu siunnersuutigaara Naalakkersuisut peqqussagigut qalorsuarsosinnaanerup inerteqqutaalernissaanik periarfissamik misussueqqullugit sumiiffiinni ilanngussatut ilanngussami ataanilu allassimasut

naapertorlugit nalunaarsorsimasuni. Taama inerteqquteqalernerup malitsissaattut naatsorsuutigineqassaaq qaleqraleqassutsimut aamma iluaqutaanissaa, qalerallimmi aamma raajartortuupput. Taamaattumik neriuutigaa siunnersuutiga paasilluarneqassasoq.

|                           |                    |
|---------------------------|--------------------|
| 1) Kangeq                 | 67 42'4N 53 47'4W  |
| 2) Tmilersui              | 67 50'1N 53 51' 6W |
| 3) Qassisalik             | 67 54'5N 53 53'2W  |
| 4) Kingigtut              | 68 00'4N 53 51'4W  |
| 5) Avalleq (Saattut)      | 68 04'3N 53 49'5W  |
| 6) Simiutarsuaq           | 68 11'1N 53 45'4W  |
| 7) Killiat                | 68 16'5N 53 45'3W  |
| 8) Aappilattut Karra      | 68 21'6N 53 34'7W  |
| 9) Innalik                | 68 26'4N 53 29'3W  |
| 10) Pooruseq              | 68 28'4N 53 29'2W  |
| 11) Qaassuup Karrarlarsua | 68 30'2N 53 29'2W  |
| 12) Satsissut             | 68 33'2N 53 23'1W  |
| 13) Aappilattoq           | 68 35'3N 53 15 W   |
| 14) Saattuarsuit          | 68 39'3N 53 09'2W  |
| 15) Oqaatsut              | 68 40'5N 53 07'6W  |

**Pisortanut aningaasatigut allaffissornikkullu kinguneqaatit:**

Siunnersuuteqartup naatsorsuutiga misissuineq ukiup affaanik sivilissuseqassasoq (250.000 kr. missaani akeqassalluni).

**Namminersorlutik inuussutissarsiortunut aningaasatigut allaffissornikkullu kinguneqaatit:**

Soqanngilaq.

**Innuttaasunut aningaasatigut allaffissornikkullu kinguneqaatit:**

Soqanngilaq.